

## MEĐUNARODNA KONFERENCIJA ISLAMSKIH RUKOVODSTAVA u Tripolisu od 5-08. 11. 2009

U Tripolisu, glavnom libijskom gradu, održana je međunarodna Konferencija islamskih rukovodstava iz skoro svih zemalja svijeta, a posebice iz Afrike, Azije, Europe tre sjeverne i južne Amerike. Oko 650 visokih predstavnika islamskih zajednica četiri dana raspravljalo je o stanju islama i muslimanskih vjerskih zajednica u svijetu. Konferencija se održava svake četvrte godine, a ovogodišnja je bila peta po redu. Na ovogodišnjoj Konferenciji obilježeno 20 godina od osnutka iste. Predsjednik ove najmasovnije islamske asocijacije je libijski lider, pukovnik Muammer el-Kazzafi. On se i na ovoj Konferenciji obratio učesnicima jednosatnim vrlo zanimljivim i korisnim izlaganjem. Napomenuo je da je položaj muslimana u svijetu vrlo složen, a položaj naše vjere nije nikada bio složeniji nego danas. Za takvo stanje pukovnik Kazzafi upro je prstom u sve koji predvode muslimane. Rukovodstvo islamskih zajednica pozvao je da se ne obraćaju na političare nego da neovisno od njih čine sve da poboljšaju sliku islama u svojim sredinama i svijetu. Rekao je da rukovodstva islamskih zajednica nisu podložna izborima i drugim uvjetima kojima su podložni političari, a da mogu mnogo više učiniti za svoju vjeru. I pored nekih uspjeha stanje prema njemu nije ni malo dobro. Među muslimanima prevladava neznanje i zaostalost i pored uloženi golemih napora da se to stanje prevlada, nisu polučeni zadovoljavajući rezultati. Kazzafi je progovorio i o pitanju hadža. Ustvrdio je da se hadž pretvorio u turističku manifestaciju, i hodočasnici osim hadžskih obreda i šopinga nemaju skoro ničega korisnog i zanimljivog ponijeti sa sobom u svoje zemlje. Ponovo je kritizirao nepravdu koja se čini malim i siromašnim zemljama kroz Povelju Ujedinjenih naroda, a naročito kroz Vijeće sigurnosti UN. Zahtijevao je od nazočnih delegata na Konferenciji mnogo veće napore na izgradnji islamskih institucija. Govorio je i o svom putovanju dugim 26.000 kilometara automobilom, koga je poduzeo da bi bolje upoznao afrički kontinent. To ga je najviše motiviralo da veliki dio svog političkog angažmana posveti Africi i njenim golemim problemima. Prije svog obraćanja delegatima Konferencije, pukovnik Muammer el-Kazzafi predvodio je prelazak na islam devetorice Afrikanaca iz Gane, te primio zlatno odličje *Bosanski orden islama prvog reda* od reis-uleme Islamske zajednice u BiH dr. Mustafe Cerića kao i mushaf rahmetli Šerifovića.

U uvodnim izlaganjima i podnesenim izvješćima bilo je govora o trenutnom stanju islama i muslimana u svijetu. Najteže je stanje u Africi, gdje libijska islamska organizacija *Džem'ijja da'va el-islamija* čini goleme napore u pružanju pomoći muslimanima na ovom kontinentu. Velika većina delegata na ovoj Konferenciji svoje su školovanje završili u Libiji i ponajviše na Fakultetu za misionarstvo u Tripolisu.

Ono što se osjećalo kao nedostatak Konferencije jeste više reda u organizaciji, ali ako znademo kakvo je stanje muslimana, onda nismo mogli više očekivati.

Na Konferenciji je učestvovao i Zagrebački muftija koji je još davnih osamdesetih godina bio jedan od osnivača ove institucije. Zadnjeg dana Konferencije muftija se sastao s generalnim tajnikom Konferencije dr. Ahmedom Šerifom koji se tom prigodom ispričao što nije mogao nazočiti svečanosti polaganja kamena temeljca Islamskom centru u Rijeci, ali je čvrsto obećao da doći u posjet našoj Zajednici u proljeće 2010. godine.



Nazočnima na Konferenciji obratio se i reis-ulema Islamske zajednice u BiH



Na Konferenciji su prevladavale uglavnom afričke teme i problemi



I arapske islamske organizacije bile su u velikom broju nazočne na Konferenciji što nije čest slučaj



Na Konferenciji je nazočio i veliki muftija Tataristana



Središnja ličnost Konferencije bio je Luis Farakan lider Crnih muslimana iz USA, koji je unatoč bolesti bio vrlo aktivan u radu skupa